

活幼心法下



活幼心法大全卷之六

明清江聶尚恒久可父著

清肝黎黃光會畏巖父校

痘症或問六條

或問曰。事貴豫防。醫治未病。古人立預解痘毒之方。或解之於平時。或解之於臨時。其方何啻數百。子何以知痘毒不可預解而不載一方也。曰。以其理知之。又驗其事而知之也。蓋痘毒稟受於胚胎。而潛伏於五臟。或數年而後發。或十數年而後發。或數十年而後發。當其未



發時。深藏潛伏。聲臭俱泯。於何而解之。彼無聲臭之毒。又豈有形質。有氣味之藥所能解散。且用藥攻病。猶如用兵誅寇。故必執兵持竿。然後可以寇誅之。當問其事時。雖有奸豪潛伏其中。而不執兵。不持竿。誰能識其為寇而誅之。今豫解痘毒於聲臭俱泯之時。得無類是乎。此以理知其不能解也。予婦產男女十人。皆已出痘。爾六人多用豫解痘毒之方。而出痘反有極多者。後四天不用此方。而出痘極少。皆勿藥自愈矣。此可驗痘毒無重。定于稟受之初。而不能豫解也。然服解毒藥於平

時雖無益猶無害也。至於臨時解毒。則有反害者矣。每
見富貴之家。父母珍愛其子。一聞鄰家出痘。則多服解
毒之藥。以致損兒胃氣者有之。或兒已發熱將出痘。而
多服解毒藥。以鬱遏其毒氣者有之。犯此二者。所謂
益而又害之者也。以是知解之於臨時者。尤不可也。
或問曰。子立論折諸家之衷。若劉河間。錢仲陽。張潔古。
王海藏。陳文中等。皆古名醫。子議其失。猶之可也。至於
朱丹溪。集醫道之大成。而子亦議其未盡痘家之妙。何
也。曰。丹溪之醫。誠精矣。子謂其足以盡醫家之妙乎。又

足以盡痘家之妙乎。且醫之為道。精微廣大。亦難言矣。
自古名醫。雖各有精妙。然亦多有訛謬。如王叔和著脈
訣。論五臟六腑。謂三焦無狀。空有名。寄在胸中。膈相應。
夫三焦者。右腎命門之腑也。男以藏精。女以繫胞。若其
無形狀。何以藏繫。若其寄在胸膈。何以為右腎之腑。而
脈絡獨屬之。右尺也。此其說大謬矣。夫叔和明醫。豈無
精妙。而錯論臟腑。大失古人之意。有如此者。後人宗其
說。謬習焉不察。至宋張李明著醫說。始論其謬。其言有
理有據。然世竟宗叔和之謬。而莫知有李明之辨也。如

此之類何可枚舉。若劉河間等之治痘而專用寒涼解毒則又宗內經諸瘡瘍屬心火之言而失其意者也。蓋內經此言為諸瘡發也。非為痘瘡發也。痘瘡與諸瘡大不同者也。且黃帝委幼小於不知其於痘瘡已置之勿論矣。而劉河間錢仲陽輩乃宗其論諸瘡之言以治痘瘡。此何異行車於水而推舟於陸也。訛謬甚矣。丹溪又宗劉錢而不能正其謬者也。何以歟。蓋痘家之妙也。或問曰。古人治痘一以解毒為主。至丹溪揭解毒和平安表六字論者。以為精當之極。大畧謂痘未出而能解



毒則可以使痘出稀少。痘既出而能解毒則可免潰爛。
發癰發疔入眼等患。此豈不深有至理。而子獨極
毒之害。而諄諄以妄解毒為戒。此其為說未之前聞。
亦過高而駭衆乎。曰。此痘家第一精深微妙之理。古
高明之士皆迷而不悟。是以徒知解毒之利而不知解
毒之害也。雖丹溪解毒和中安表之說。亦欠分曉。蓋揭
解毒二字於和中安表之上。後人執而用之多致悞事。
以丹溪之明而見不及此。況其下焉者乎。蓋痘毒久伏
於五臟。一旦觸動而勃發。其勇悍猛烈之勢。不可



通又何可解散。智者惟順其勢以導之出外而已。昧者當其欲出未出時而遽投以解毒藥則拂逆其勢。豈惟不能解散而適以使之返戈內攻。宜其禍不旋踵也。故多有痘纔見數點而兒已斃者。則亦慘矣。近日每見富貴之家極珍愛其子者。多罹此禍。然而病家與醫家終不悞其失。且曰此痘最惡。吾先為之解毒。猶不能救。況不解毒乎。噫。迷亦甚矣。獨不思使其不遽用解毒藥。以逼毒內攻。則毒外出而內自安。何遽至於斃。縱其痘出或稠密。或紅紫。或乾枯。猶可從容調治。孰與未見痘而



速死之慘乎。是以痘未出之前。除升發微汗一劑外。攻裏清表寒涼解毒之劑。當一切禁之。如砒巴勿口可也。古人謂不可汗下。亦是此理。惜其語焉而不詳也。丹溪亦戒妄汗妄下。庶幾不失古人之意矣。然又教人用犀角地黃湯之類。是徒知汗下之害。而不知當此欲出未出之時。不必汗下。而後為害。即多用清涼。如犀角生地之類。亦能遏毒內攻。而致害也。惟人參敗毒散能宣發毒氣出外。猶無害耳。若胡氏輩率其愚臆。謬見而妄謂非汗則表熱不解。非下則裏熱不解。汗下以解。



從裏則痘出稀而必無逆症。而後之愚儒若管攝業。從而敷衍其說。使世人不察而誤用之。以致兒童之在此而夭折者。不可勝數。痛哉。予欲救其禍。安得不詳辨以破其迷也。至於痘既出之後。則有不必解毒者。有不可解毒者。有不可專解毒而必兼補養者。有可以專解毒而不必兼補養者。不必解毒與不可解毒者。前說辨之詳矣。若其痘出稠密。紫暗乾枯。而不起發。不膿者。此毒氣盛而血氣弱者也。或先用清涼藥解毒散其毒氣。而隨以補血氣藥助其行漿。或於解毒藥中兼用



血養血扶元氣藥可也。此則所謂不可專解毒而必兼
補養者也。丹溪所謂解毒和中安表者。惟用之於此。
當乎。若其虛火。湯盛紅紫凸綻而潤澤然。而
渴喜飲。善饑喜食。煩燥不安。大便久秘。小便赤澀。此
可以專用清涼解毒。不必復兼補養者也。大畧既出。
後未收以前。可以專解毒者。惟此一症。以其血氣與毒
氣俱盛耳。然兒童出痘多者。真氣發洩。血氣難支。多致
虛弱。恐血氣毒氣俱盛者。百中一二耳。專主解毒者。錯
不亦多乎。惟收結後。覺有餘毒。則急宜解散。不可少

難。難。則。惡。發。癰。患。眼。也。

或問曰。昔人治痘。先辨生死。其症逆而必死者。或作為
訣。或著為圖說。戒人不必施治。若妄治則反招惡尤。
子獨不分別逆症。而一槩為之立方說法。何也。曰。彼
醫之心。立法而吾以父母之心立法也。世之出痘者。孰
非人子乎。父母之於子。忍度其必死。而不為之救治乎。
况病症雖有順逆。而治法豈無工拙。彼前人思之未精。
治之未盡。其妙多以可治之症。認為必不可治。而一槩
教後人棄而勿治。此非仁人之心也。予甚惡其說是以。

必矯其失。然非徒以空言矯之也。每於前人所指必不
可治之症。十中活其五六。又未嘗不咎前人之疏於
法。而輕于立言也。是以不忍不為之。死裏求生也。其
有求其生而不得。吾末如之何者。然後於好生之心。無
忝矣。

或問曰。古人立方。用大靈丹。無比散。小無比散。獨聖散。
天。成散。人牙散。返靈丹。龍虎丹之類。皆相傳以為治痘
秘方。而子俱不取用。何也。曰。痘瘡一以血氣為主。其順
者。血氣能勝毒氣者也。其險而不順者。皆血氣不能勝



毒氣者也。治痘者當視血氣強弱而酌其宜以解毒氣。乃為穩當。以上諸方皆用金石腦麝等悍猛之藥。散毒氣而損傷元氣。殆甚。用之於元氣厚者或可。中而獲效。用之於元氣弱者一不中而萬有餘敗。笑前人傳用其方。蓋計其效而不計其敗者也。予所以不取用者。恐未得其效而反受其敗也。惟熱毒入心經而狂燥。不知人事者。猪尾膏可間用之。而虛弱者仍忌用也。今錄其方於後。

猪尾膏



冰片

一分五厘

刺猪血一錢同研溫酒調下

或問曰子之著論立方自以為得之透悟前無古
無今人矣子固得心應手隨試輒效矣不識依子
者亦能如子之妙應否乎曰此則難言之也予惟精思
透悟善通古人之意而妙用吾心之神故每能轉禍為
福起死回生也後有能通吾意者其神妙出吾之右可
也若不能然則未可必也何者得心應手之妙不可以
形之於言而筆之於書也予蓋久精此術而不輕於著
書亦為其有不可以言傳者耳至於近時歷觀世人治



痘之迷謬而免童叟遭夭折之禍故亟為是編以正之
雖未必能授意傳神而亦可以醒迷救禍也

活幼心法大全卷之六終



南京中医药大学图书馆版权所有

